



Hyperdvlia Mariana

**Berchmans, Johannes
Canisius, Jacobus**

München, 1636

II. Hyperduliaë species, Ob amorem B. Virginis etiam SS. Iosephum &
Annam diligere ac venerari.

Nutzungsbedingungen

[urn:nbn:de:hbz:466:1-55266](https://nbn-resolving.org/urn:nbn:de:hbz:466:1-55266)

HYPERDVLIÆ SPECIES.

Ob amorem B. MARIÆ
Virginis etiam SS. Iosephum
& Annam diligere & vene-
rari.

S. I.

AMans non tantummodo amatam,
sed huius omnem quoque cogna-
tionem familiamque amat. Sic Assue-
rus ille ille Rex inclitus, amans Hesteræ,
non hanc solam, sed huius patrum
quoq; Mardocheum dilexit, & ad sum-
mum dignitatis apicem euexit. Neque
hunc solum coniugis amore ductus ex-
altauit, sed omnem quoque eius gen-
tem ab Aman Neci deditam seruauit,
seruatam regis fauoribus cumulauit;
cumulata, quò se tuerentur aduersus
hostes suos, eosdemque extirparent, im-
perauit. Sic potentissimus ille rex Ægy-
pti

Hester. 8. 29.

E 3

pti non tantummodo Iosephum totius
 Ægypti Palæstinæq; imò totius Mundi
 Saluatorem (hic enim titulus honoris il-
 li datus) suspexit, sed patrem quoq; eius
 grandæuum Iacob, omnēque eius libe-
 ros dilexit, eisq; optimam totius regni
 plagam Gessen dedit excolendam, habi-
 tandamque. Charus nimirum fuit adeo
 Pharaoni Iosephus, vt eius vnus amo-
 re, cognatos quoque eius omnes, affi-
 nes, fratres, sorores, omnemque fami-
 liam complecteretur.

Genes. 41. & 45. Genes 47. & 6.

Ad eundem quoq; modū Berchman-
 nus non solam Virginem impendiò a-
 mauit; sed huius etiam cognationem fa-
 miliamque omnem suspexit ac dilexit.
 Itaq; singulari quo flagrabat in B. MA-
 RIAM Deiparam Virginem pietatis &
 amoris affectu, arsit & ad amandum ve-
 nerandumq; sanctissimam eius Matrem
 Annam, sponsūmq; Virginis integerr-
 mum ac pueri Dei fidissimum custodem

Virg. Cepar. & Herm. Hug. Iose-

Vit. pag. 163. & 29.

Iosephum, nouissimè & felicissimè imi-
 tatus S. Teresam nouam quodam modo
 Ordinis Carmelitani fundatricem, &
 (præter alios quàm plurimos domesti-
 cos sodales suos quos aliquando cum
 Deus ac Deipara annuerint in publicum
 proferemus) P. Balthasarem Alvarez,
 cui in Vallisolerano Collegio decubenti,
 cum Patrum non nemo suggessisset, ut
 se S. Iosepho commendaret; respondit;
 Optimè dicis; sic enim B. MARIA mihi
 mandauit. Nam P. Balthasari in æde
 Lauretana oranti, aspectabili specie ap-
 paruit Magna Mater, eique erga S. Iose-
 phum, pietatem commendauit.

Vid. Baling. Kal.

Porrò Berchmannus non tantum ma-
 gno S. Iosephum coluit pietatis affectu;
 sed & opere, quod eius honori grande
 parabat. Nam quam plurima (ut Ce-
 parius auctor est) beneficia, quæ fidissi-
 mus ille custos, suos in clientes contu-
 lerat, varijs è libris collegit.

§. II.

Premium Hyperdulie

Fuit, quod ipse Berchmannus affir-
marit, nullà se vnquam acceptà repulsà
irritum petitiæ benevolentiae discessisse,
ex quo in eorum sese dederat clientelam

III.

HYPERDULIÆ SPECIES.

B. MARIÆ DEIPARÆ

Virginis iconi frequenter, reue-
renter, amanter, oscula libare.

§. I.

Oscula castaque oscula, pij castique amor-
ris symbola sunt, vt passim diuinus
significat sacrarum codex literarum. Sic
rebus, quas oppidò amamus (si per in-
olitum, sanctumque patriæ morem fas
sit) oscula libamus. Sic Isaac iam senior

Genes. 29. 13. Et 45. 14. Ocu-

Et 48. 10. Et 49. 34. Exod. 4. 27.

Luc. 15. 20. Act. 20. 37. Rom. 16. 16.